

*MASTER  
NEGATIVE  
NO. 91-80249-27*



MICROFILMED 1991

COLUMBIA UNIVERSITY LIBRARIES/NEW YORK

as part of the  
"Foundations of Western Civilization Preservation Project"

Funded by the  
NATIONAL ENDOWMENT FOR THE HUMANITIES

Reproductions may not be made without permission from  
Columbia University Library



## COPYRIGHT STATEMENT

The copyright law of the United States -- Title 17, United States Code -- concerns the making of photocopies or other reproductions of copyrighted material...

Columbia University Library reserves the right to refuse to accept a copy order if, in its judgement, fulfillment of the order would involve violation of the copyright law.



***AUTHOR:***

**KNICK, K. D. G.**

***TITLE:***

**QUAESTIONUM  
AESCHYLEARUM...**

***PLACE:***

**GOSLIN**

***DATE:***

**[1838]**



Master Negative #

91-80249-27

COLUMBIA UNIVERSITY LIBRARIES  
PRESERVATION DEPARTMENT

BIBLIOGRAPHIC MICROFORM TARGET

Original Material as Filmed - Existing Bibliographic Record

88Ae7

Z8

v 7

Knick, K                      D                      G  
Quaestionum Aeschylearum specimen scripsit K.D.G.  
Knick... Göslin, Hendess, [1838]  
13 p. 25 $\frac{1}{2}$  cm.

Jahres-bericht über das Fürstlich-Hedwigische  
gymnasium zu Neustettin,..1838.

Restrictions on Use:

-----  
TECHNICAL MICROFORM DATA

FILM SIZE: 35 mm


REDUCTION RATIO: 14x2A

IMAGE PLACEMENT: IA IIA IB IIB

DATE FILMED: 9/19

INITIALS BS

FILMED BY: RESEARCH PUBLICATIONS, INC WOODBRIDGE, CT




**AIM**

**Association for Information and Image Management**

1100 Wayne Avenue, Suite 1100  
Silver Spring, Maryland 20910


301/587-8202




**Centimeter**



**Inches**



MANUFACTURED TO AIM STANDARDS  
BY APPLIED IMAGE, INC.





no: 7 88 A 2 112.  
**QUAESTIONUM AESCHYLEARUM  
SPECIMEN**

scripsit K. D. G. Knick, Dr. phil.

---

**Jahres-Bericht**

über das

**Fürstlich-Hedwigische Gymnasium zu Neustettin**

**für den Zeitraum Jul. 1. 1837 bis dahin 1838,**

womit zu der am 8ten October 1838 anzustellenden

**Prüfung der Zöglinge des Gymnasiums**

das Wohlwollende Curatorium der Anstalt, so wie die Eltern der Schüler und alle Freunde  
des Schulwesens und des hiesigen Gymnasiums

ehrerbietigst und ganz ergebenst einladet

**A. Giesebrecht,**

Professor und Rector des Gymnasiums.

---

Edslin, gedruckt bei C. G. Hendes.



## QUAESTIONUM AESCHYLEARUM

### SPECIMEN.

Quaestiones quasdam Aeschyleas quum ante hos fere septem annos, seminarii philologici Sedinensis sodalis, cum collegis communicarem, acceptum quidem mihi accidit, ut eas non improbatas viderem; adhortantibus vero nonnullis, ut earum specimen quidem in publicum emitterem, restiti, quum quod aetate ad scribendum promptissima abripi me pati nolebam neque eorum numerum augere, quorum scripta non legantur, tum quod praecellarum illud Horatii bene memoria tenebam: si quid tamen olim scripseris, nonum prematur in annum membranis intus positis. Atque ita quidem etiam nunc institui, ut temporibus subsequivis, quum scholasticis muneribus aliquando essem liberatus, ad lectionem Aeschyli saepius interruptam me referrem et semel excogitata denuo revolverem. Nunc vero quum scribendi necessitatem leges mihi imponant atque ordine poscar, scriptionis materiam ea sumsi, quae vel ad emendandas Aeschyli fabulas vel interpretandas proferri posse judicarem, atque ex iis aliquid prelo typographi subicere constitui, quod annalibus gymnasii praefigatur. Quodsi libellus nondum nonum prematur in annum, idcirco nolim certare cum necessitate, praesertim quum fieri possit, ut gignatur etiam post septimum maturus.

Sed ut ad rem veniam primum ad Choephororum tertiae scenae chorum me vertam in editione Blomf. inde a versu 577 descriptum. Cujus sensum si quis nonnisi in universum respicit, facillime licet conicere, quidnam poeta omnino sequutus sit; at si quis ad singula propius accedit, multis hoc canticum incommodis laborat, quae etiam augentur antistrophis cum strophis collatis, quare viri docti multimodis tentarunt, neque, quum menda latere viderentur, ea intacta reliquerunt, quae sana et ad metrum sensumque apta sunt; sed ne sic quidem, quod et a sensu et metro loco omnino satisfaceret protulerunt. Subjiciam stropham  $\alpha$  et antistropham sicuti eas constituendas esse duco.

Str.  $\alpha$ .

Πολλὰ μὲν γὰρ τρέφει  
δεινὰ δειμάτων ἄχχ,  
πάντ' αἰεὶ ἀγκάλαί κνωδάλων  
ἀνταίων βροτοῖσι.  
πλάθουσι καὶ πεδαλχιμοὶ  
λαμπάδες πεδάοροι,  
πῖτ' ἀνὰ τε καὶ πεδοβάμον' ἀπ' ἀνεμοέντων  
αἰγλίδων φράσαι νότον.



Antistr. α.

ἀλλ' ὑπέρτολμον ἄν-  
δρὸς φρόνημα τίς λέγοι,  
καὶ γυναικῶν φρεσὶν τλημόνων  
παντόλμους ἔρωτας,  
αἵταισι συννόμους βροτῶν;  
σὺν γόνος δ' ὁμαλίας  
Θηλυκρατὴς ἀπέρωτος ἔρως παρανικῇ  
κνωδάων τε καὶ βροτῶν.

Ita si legitur, omnes difficultates servata propemodum ubique vulgata lectione remouentur, sententiarum nexus est planissimus, metrum antistropheae accurate strophae respondet et apte facileque decurrit. Restat, ut, quanta probabilitate textus sic exhibitus proxime ad genuinam lectionem accedat, demonstrum.

καὶ ante δειμάτων in omnibus libris legitur, sed nec metro convenit, nec desiderat antistrophe, qui sola de causa, ut strophae metro exaequarent, particulam ἄν hoc loco non necessariam inseruerunt, sensum autem perturbat, quare jam Schutz. Heath. Herm. omiserunt. Atque inferri textui facile poterat, si quidem δεινὰ substantivum accipiebant. Blomf. quidem καὶ transponendum esse duxit, quod Graeci non nisi πολλὰ καὶ δεινὰ loquuti essent; at vero καὶ etiam omissum esse constat Pers. v. 831. ὥς με πόλλ' ἐσέχεται κακὰ ἄλγῃ. Agam. v. 1061. πολλὰ συνίστορα αὐτοφάνα κακὰ. Choeph. v. 275. πολλὰ δυστερπῇ κακὰ, aliis: itaque καὶ e textu ejiciendum esse censeo.

δειμάτων ἄλγῃ habent editiones veteres. Herm. et Schutz. scripserunt ἄλγῃ, sed genitivi δειμάτων et κνωδάων requirere mihi videntur ἄλγῃ, quia poeta miseras monstris ortas significare vult, quod verbo ἄλγῃ non potuit, quum nusquam hac potestate inveniatur; restitui igitur vulgatam ἄλγῃ.

βροτοῖσι recepi, quod libri editi ac manuscripti tuerentur. Blomf. Schutz. alii propter metrum solum in βροτοῖς mutarunt; sed mendum non in hoc verbo latet, verum in βλαστοῖσι, quod e textu ejeci, qua emendatione textus id effecisse mihi videor, ut stropharum et metrum et sensus plana fiant. Exhibent enim Ald. Rob. Cant. πλάθουσι βλαστοῖσι καὶ πεδαλχοῖσι λαμπάδες πεδάμαροι; Turn. μεταλχοῖσι. Glasg. πεδάμοροι. Ita si scribi velis, multa impedimenta obiciuntur: primum enim haec verba id habent incommodi, quod antistropheae metro repugnant, neque licet conjecturis variis prolatis cum eo conciliari possunt, deinde vero verbum βλαστῶ in praesenti tempore Atticos non usurpasse constat, neque alias usquam in Aeschilo reperitur, tum βλαστοῖσι cum insequentibus verbis conjunctum sensum non admodum aptum praebet, quare cum βλάπτουσι mutarunt, denique quem non offendat antecedente verbo βροτοῖσι terminatio post οὐσι iterata οὐσι, quamvis diverso accentu, et rhythmus, quem verba praebent tam invenustum atque ineptum, qui ceterum in hac strophe tam facilis atque expeditus existit, postremo commemorabo etiam verba nimis accumulata, id quod Aeschilo non admodum est frequentatum ac nostro loco prorsus ineptum. His incommodis adducti interpretes non injuria locum mutilatum putarunt et conjecturis sanare quaesiverunt, sed plerumque tam audacter egerunt, ut vulgatae lectionis vestigium vix superesset. Schutz. primum ut metro consuleret, vulgatam βροτοῖσι in βροτοῖς mutavit, tum pro βλαστοῖσι scripsit βλάσταις; sed quum ne hac quidem conjectura id efficeret, ut metrum exaequaret, etiam antistropham mutandam censuit, et loco verbi παν-

τόλμους reposuit πανάλλους; verum nec ita metrum omnino adjuvit, et sensum strophae intulit non admodum aptum, namque ita interpretatur: „marini recessus beluarum hominibus infestarum foetu repleti sunt.“ Sed quomodo poeta hic apte beluarum foetum memoret, quum ceteris verbis beluas ipsas significet, haud facile intelligitur. Blomf. cum Butlero in textum recepit βλάπτουσι et metri causa βροτοῖς, in antistrophe vero παντοτόλμους, nulla quidem codicum auctoritate, sed nec sensus difficultatem eo sustulit et metrum prorsus pessumdedit, nam, quum difficultatem, quam verbum βλαστοῖσι exhibet, removeret, tamen non omnia incommoda, quae supra significavi, expedit, imo etiam nova intulit, quia verbum βλάπτειν absolute accipiendum esset et minus apte id exprimeret, quod poeta sequitur, qui omnia, quaecunque in rerum natura exstant terribilia atque horrenda, enumerare et cum audacissimo hominum animo comparare studet, quare, quantum hoc verbum langueat, facile apparet. Martinum ex programme gymnasii regii Poenaniae DCCCXXXVII. edito cognovi ad hunc locum coniecisse pro βλαστοῖσι scribendum αἰστοῖσι. Sed terminationem οὐσι rhythmum non convenire et verba nostro loco nimis accumulata mihi non placere supra jam usurpavi; deinde vero notio verbi αἰστοῖν parum mihi quadrare videtur in cetera verba, quibus poeta in hac strophe usus est ad ea depingenda, quae in omni rerum natura existunt terribilia. — Aliorum conjecturis supersedere possum, quum nihil fere neque novi neque probabile attulerint. Jam vero, quod supra memoravi, vulgatam intactam relinquendum et verbum βλαστοῖσι tantum e textu ejiciendum esse censeo, quippe glossam esse verbo πλάθουσι adscriptam puto, quod nostro loco significatione non admodum frequentata usurpatur. Etenim πλάθουσι non cum interpretibus pro πλῆθω positum esse accipio, sed nostro loco idem est ac πλάζω, quo quidem verbo poeta sicuti ἡγνύναι, Pers. v. 197. 466. φέρειν, κομίζειν, ἔλπειν aliis media potestate usus est, ut Sophocl. in Phil. v. 717. ἵνα ὁ χάλκωσις ἀνὴρ θεοῖς πλάθῃ, quod Schol. interpretatur per πελάζεται, quare facile aliquis adduci poterat, ut hoc verbum interpretaretur glossa adscripta. Quodsi quis contra dicat omnes libros eandem exhibere scripturam neque usquam hoc verbum omissum esse, haec parum me movent, quum manuscripta Aeschyli omnia ex uno eodemque codice eoque non optimo fluxisse videantur, et qui vel praestantissimus habetur codex Mediceus tantis vitiis inquinatus inveniatur quantis vix alius auctoris textus, quare, si omnes eandem habent lectionem, mirum non est. Jam vero si post βροτοῖσι distinguitur, omnia expedite et a sensu et metro procedunt, etenim ad πόνταις κ. τ. λ. supplendum est ex praecedentibus τρέφουσι, genitivus κνωδάων autem pendet ex ἄλγῃ, et πλάθουσι ad insequentia referendum est, quae ita dedi: καὶ πεδαλχοῖσι λαμπάδες πεδάμοροι, siculas formas retinens, quibus Aeschylus, quum diu in Sicilia apud Hieronem versaretur, nonnumquam usus est. Opinoris poetam hic fulgura significasse, utpote quae horrorem mortalibus injicerent, sed quum vocem communem λαμπάδας adhibuerit, etiam sidera, quae in Agam. v. 5. τοὺς φέροντας χεῖμα καὶ θέρος βροτοῖς λαμπροὺς δυναστὰς ἐμπρέποντας αἰθέρι nuncupat, imprimisque solem subaudivisse arbitror; sunt igitur medio in aere ignes aetherei, qui incommoda multa hominibus suscitent.

πτηνὰ τε καὶ πεδοβάμονα κἀνεμοέντων Αἰγίδων φράσαι νότον. Sic Wellauer edidit et verba cum βλαστοῖσι jungens ita vertit: „solis radii alata atque reptilia animalia procreant“ qui sensus nostro loco, si quis universum sententiarum nexum respicit, certe prorsus ineptus est. Schutz. cum Heathio φράσαι in φρίσσει mutavit et verba interpretatur: „et sublimis dirasque faces nec non ventosarum procellarum rabiem exhorrent volueria et qua-



„drupedia.“ Haec sententia nec cum praecedentibus cohaeret et ab eo sensu, quem poeta persequitur, valde abhorret. Apertum est poetae animo in hac strophā obversatam esse quatuor elementorum vim, quorum incommoda, quae hominibus adferant, leviter depingit, qua in re cui non in mentem veniat simillimi loci in carmine Schilleri nostri „das Lieb von der Mode.“ Hermannus huius loci sententiam perspexisse et genuinam scripturam proposuisse mihi videtur, qui ita scribi vult: *πᾶνα δὲ καὶ πεδοβάμον' ἀπ' ἀνεμοέντων αἰγίδων φράσαι λόγον*, quod quidem Wellauer se non intelligere ingenue fatetur, nec ceteri interpretes respexisse videntur, sed certissima est haec emendatio modo pro δὲ, quod Hermannus pro τε recepit, vulgatam librorum scripturam τε serves, ita fere nihil vulgatae mutatur. Est enim scriptura cod. Guelph. et Ald. *πεδοβάμον' ἀπ' ἀνεμοέντων*, quam optime correxit Hermannus. Jam si *πᾶνα*, quod libri omnes exhibent, adiectivum accipis, quod quidem non nisi nostro loco reperiri videtur, et cum *πεδοβάμονα* ad λόγον refers, nihil est cur meliorem sententiam desideres, namque in genere masculino interpretes offendere non debebant. Jam vero sententiarum nexus in hac strophā hic est: Multas quidem terra alit graves calamitates formarum horrorem incutientium, marinique recessus monstrorum mortalibus inimicorum, appropinquant etiam medio ex aere ignes aetherei; considera etiam volucrum aera et terram radentem procellarum rapacium rabiem. Sed horum omnium, poeta in antistropha pergit, nihil exaequat hominum mentem audacissimam. Ita antistropha per ἀλλὰ opponitur universae strophae et separatim particulae μὲν in capite strophae. neque enim quisquam Blomfieldio adstipuletur, qui ἀλλὰ ultimis tantum strophae verbis opponi putat, quae in favorem suae explicationis mutavit, et loco φράσαι scripsit φράσεις ἄν, interpretans: „possis etiam ventorum rabiem describere, sed hominum mentem quis est qui verbis assequatur?“ Nemo est qui non videat quam inepte hic opponatur ventis mens hominis; poetae potius haec est sententia: multa quidem esse in rerum natura terribilia et horrenda, omnia vero esse inferiora mente hominis audacissima, id quod exemplis illustrat allatis in antistropha β et γ.

Antistrophae verba ἀλλ' ὑπέρτολμον ἀνδρὸς φρόνημα τίς λέγει in omnibus libris editis ac manuscriptis sic leguntur. Blomf. et ante eum Pauw. et Heath. particulam ἄν requiri iudicarunt. Est quidem in eiusmodi locutionibus usitatissimum particulam ἄν adjungi, sed exstant tamen permulti loci, ubi librorum incuria omissam esse non licet affirmare, quare nolim emendare, quum sane plurimis tum emendationibus opus esset. Sed interest etiam, utrum in eiusmodi locis ἄν adjiciatur necne: particula ἄν appositā, sententia nimirum est hypothetica et refertur semper ad positionem sive praemissam sive supplendam, quod secus est ἄν omissa. nostro loco sententia dubia pronuntiatur. comparari potest hoc loquendi genus alterum cum Latinorum Imperfecto Coniunctivi alterum cum Praesenti. Exemplā nostro loco similia accumulare supersedeo, ex Aeschilo tantum quae mihi in promptu sunt afferam: Suppl. 708. ἴσως γὰρ ἢ κήρυξ τις ἢ πρεσβὺς μόλοι. Agam. 1347. πῶρ γὰρ τις, ἐχθροῖς ἐχθρὰ πορύνων, φίλοις δοκοῦσιν εἶναι, πημονὴν ἀρκύστατον φράζειεν, Suppl. 19. τίνα γοῦν χώραν εὐφρονα μᾶλλον τῆςδ' ἀφικολιμεθα;

καὶ γυναικῶν φρεσὶν τλημόνων omnium est librorum lectio. Herm. scribi iubet φρεσὶν adductus, quantum conjectura assequor, sequente καὶ et propter pleonasmum, si γυν. φρ. τλ. jungas cum φρόνημα. sed καὶ profecto metri causa textui iniectum est, et γυν. φρ. τλ. pendet ex verbo ἔρωτας. nullus igitur hic est locus conjecturis, sed sana sunt omnia, modo καὶ tollatur.

καὶ παντόλμους ἔρωτας, ἄταισι συννόμους βροτῶν. Hunc locum interpretes desperatum notarunt, neque quidquam adhuc invenerunt, quo sanarent. nihil equidem huius scripturae, quae est vulgata, mutavi, nisi quod καὶ ante παντόλμους expuli, quod certe in textum irrepsit propter stropham corruptam, et hoc loco nullo modo ferri potest. quo facto id assequutus sum, ut verba strophae metro arctissime respondeant, et sententiarum nexus nullis difficultatibus laboret. Schutz. suo more in emendanda antistropha aequae audacter egit ac in strophā, primum ut ad praeoccupatam suam opinionem verba, quae in hanc non quadarent, mutaret, deinde vero poetam ea loquentem faceret, quae nunquam in animum induerit, qua emendandi ratione si omnes uterentur, nullum mox Aeschylum haberemus. Missas facio ejus emendationes nostro loco prolatas. Clausenius nostrum locum sic edidit: *παντόλμους ἔρωτας, ἔρωτας ἄταισι κ. τ. λ.* optime quidem hac conjectura quoad metrum antistropha strophae responderet, sed ista figura, quamvis Euripides usus sit, Aeschylum tamen nostro loco usum esse nullo modo persuadere mihi possum. Ceterorum interpretum nemo quidquam protulit, quod ad sanandum locum faceret. Reliqua huius antistrophae eodem modo in omnibus libris scripta reperiuntur; refertur vero ad hunc locum verbum ἀπέρωπος, quod apud Hesychium et in Etym. M. invenitur, quodque per ἀπάνθρωπος sive etiam στυγνός interpretantur. Scholiastes Aeschyli etiam verbo ἀπέρωπος adjecit interpretationem στυγνός, quare Schutz. scribendum putavit ἀπέρωπος ἔρωτ. Sed nemo hoc vulgatae lectioni ἀπέρωπος ἔρωτ. praeferat, qui Aeschylum ejusmodi oxymoris uti solere noverit ut χάρις ἄχαρις, παῖδες ἄπαιδες, δίκαν ἐξ ἀδίκων, πόλις ἄπολις, νᾶες ἄναες, πόλεμος ἀπόλεμος, ἄπορα πόριμος, μυσόμαντις ἀλαλος, ἀναυδος ἄγγελος, γάμος ἄγαμος, ἀτλήτα τλᾶσα, et id genus alia, verisimile est ἀπέρωπος, verbum tam incertae originis et significationis, mendosum esse.

Antistropham ita verto: Sed viri praeferocem animum quis est qui verbis assequatur et mulierum callida mente audentium amores ad quodvis tentandum paratos, qui hominum infortunio sunt conjunctissimi? namque femineum sexum occupans amor libidinosus et hominum et bestiarum conjugalia connubia violat.

Poetae animo in hac antistropha jam obversatur Clytaemnestrae inauditum facinus, quod post commemorata Althaeae et Scyllae scelera in strophā γ fusius verbis exprimit; probasse sibi videtur his exemplis allatis quae generatim dixit: nihil exsistere in rerum natura, quod audaciam humanae mentis superet. Stropham β nullis vitiis excepto verbo καλονσα, quod in editionibus legitur, inquinatam esse arbitror; exhibent vero novae editiones aliae καλονσα aliae κάονσα, quae mera est Porsoni conjectura. Hoc verbum quum non responderet in antistropha verbo πειθήσασα, quae est veterum omnium editionum scriptura, etiam illud cum πεισθεῖσα mutarunt; sed non facile intelligitur, quomodo, si πεισθεῖσα legerint librarii, pro eo minus usitatum πειθήσασα substituerint; quodsi veteres libros omnes in scriptura πειθήσασα consentire constat, conjecturae hic nihil loci esse posse videtur. Ceterum si quem male habeat πειθήσασα, malitque scribi πειθήσασα, hoc ego quoque metri causa praeferam, quum ei et i saepissime in manuscriptis confusa esse doceat Boeckhius in libro „Staatsverwaltung der Athener II. S. 395. 3.“ Jam vero in strophā libri veteres habent καλονσα ut Ald.; καὶ αἰθουσα Rob. Turn. Steph.; hanc lectionem viri docti mendosam iudicarunt, et Porsonus emendationem κάονσα proposuit. Certum est arbitror καλονσα mendum esse, primum quod nostro loco καὶ maxime offendit, tum quod metro antistrophae non respondet, denique quod Canterus exhibet lectionem καταλονσα, qua neque ad metrum neque ad sensum melius quidquam desiderari posse mihi videtur; namque prae-



positio κατά quum vim attribuat composito καταλθεῖν prorsus consumendi, nostro loco καταλθούσα est aptissimum, quum taeda illa fatalis jam adusta foco detracta esse narretur, id quod prodidit Apollod. 1. 8. usus eodem verbo κατακαλεῖν. —: ἐγέννησε δὲ Ἀλθαία παῖδα ἐξ Οἰνέως Μελέαγρον, ὃν ἐξ Ἄρεος γεγενῆσθαι φασί. τούτου δὲ ὄντος ἡμερῶν ἑπτὰ, παραγενομένης τὰς Μοῖρας φασὶν εἰπεῖν, τότε τελευτήσει Μελέαγρος, ὅταν ὁ καίόμενος ἐπὶ τῆς ἐσχάρας δαλὸς κατακαῇ. τοῦτο ἀκούσασα, τὸν δαλὸν ἀνέλετο Ἀλθαία, καὶ κατέθετο εἰς λάρνακα.

Itaque textum strophae et antistrophae ita constituam.

Str. β.

ἴστω δ' ὅστις οὐχ ὑπόπτερος  
φροντίζει, δαεῖς,  
τὰν ἄ παιδολύμας τάλαινα Θεοτιάς  
μήσατο πυρδαῇ τινα πρόνοιαν,  
καταλθούσα παιδὸς δαφνοῖν  
δαλὸν ἥλικ', ἐπεὶ μολῶν  
ματρώθεν κελάδῃσε,  
ξύμμετρόν τε διαὶ βίου,  
μοιρόκρανον ἐς ἡμαρ.

Antistr. β.

ἄλλαν δεῖ τιν' ἐν λόγοις στυγεῖν,  
φρονίαν Σκύλλαν,  
αἷ' ἐχθρῶν ὑπαὶ φῶτι ἀπώλεσεν φίλον,  
Κρητικοῖς χροσεομήτοισιν ὅμοις  
πιθήσασα, δώροισι Μῖνω,  
Νίσσον ἀθανάτας τριχὸς  
νοσφίσασα προβούλῳ  
πνέονθ' ἄ κυνόφρων ὕπνῳ.  
κίχαι δὲ νιν Ἐριῆς.

Sunt etiam quae ad defendendum hunc textum adjicienda putem. Blomf. Scholiasten πυρδαῆς legisse suspicatur, quod verbum habet etiam Vict. et Turn. At librariorū mihi haec futilis esse videtur conjectura, quae nihil habet, quo se commendet. Namque ut omittam, quod hoc tertium esset adjectivum appositum ad Θεοτιάς, deinde quod male esset collocatum, tum quod aliquid certe offensionis haberet τινα encliticam suo substantivo praecedere: verbum πυρδαῆς, si quidem ad Θεοτιάς referres, valde, quod ad sensum attinet, esset languidum, ad πρόνοιαν vero relatum multo significantius et magis Aeschyleum est. Etenim πυρδαῆς non ea qua vulgo interpretes accipiam potestate „ignem accendens, igne consumens,” verum potius „ignis gnarus, qui novit vim ignis.” Scylla enim non nescivit, titione combusto filio se simul mortem illaturam. τινα non est cur deleatur sive emendetur, neque vero, quod nonnulli interpretes praeceunte Scholiasta fecerunt, cum τὴν conjungam, ita ut vice pronominis ὅστις fungatur, quum quod τις non ita disjungitur, tum quod ad sensum ineptum est. τις nostro loco habet vim intendendi, quo genus istius facinoris significetur sicuti in vocibus ποῖόν τι, τό ποῖόν τι. vernacula lingua dicimus welch ein, was für ein. — Martinus scribi vult πυρδαῇ ποινὰν προνοίαν. quod etsi non male conjecisse mihi videtur, haud scio an poeta, quum facinoris atrocitatem depingere velit, multum crudelitatis

ei demserit, si Scyllam hoc facinus commisisse ulciscendi causa memoret, ita certe satius fuit, ultionem nec leviter hoc loco attingi, quare malim servari τινα.

Pro δαφνοῖν Schutz. conjecit δαφνοῖν, quam conjecturam interpretes valde amplectuntur, quamquam, quod equidem video, injuria, nam si probabilem inde elicere sensum liceat, per δαφνοῖν caedem fratrum Althaeae significari conjiciam; sed quum nulla omnino in hac strophā fiat mentio fratrum Althaeae a Meleagro caesorum, uno verbo poetam hanc rem indicare voluisse tam indirecte et obscure, nullo modo persuadere mihi possum, neque vero ita poetam rem instituisse credendum est, ut, quum atrocissimam mulieris audaciam depingere vellet, Althaeae causam subministraret, cur filium opprimeret, qua re omnis facinoris vis valde minueretur. Ceterum ad δαλὸν necessario desideratur epitheton, quo indicetur titionem combustum simul pessumdare Meleagrum. Itaque δαφνοῖν scribendum esse censui, quod nostro loco significat „sanguinarius, blutgierig,” sicuti in Prometh. 1026 αἰετὸς δαφνοῖν. illud vero epitheton usurpari de titione mirari non potest, qui audacissimum Aeschyli loquendi genus noverit.

ἥλικ', ἐπεὶ, utpote genuinam lectionem revocandam esse arbitror, quum quod παιδὸς nihil habet unde pendeat, et ἐπεὶ i. q. ἐξ ὅτου, quo referatur, tum quod ξύμμετρόν τε praecessisse ἥλικα postulat.

νοσφίσασ' ἀπροβούλῳ habent veteres et recentiores editiones, quod tuetur Ald. et Turn. sed poeta mulierum audaciam descripturus, num verbo ἀπροβούλῳ nostro loco usus sit, dubito, quum officere potius quam favere illi sententiae mihi videatur; ad πνέοντα vero qui retulerunt ἀπροβούλῳ, vim verbo attulerunt, quum non significet „sine suspitione.” Scribendum puto νοσφίσασα προβούλῳ, quod etiam Glasg. praebebat. Scylla consulto illud scelus commisit.

κίχαι δὲ νιν Ἐριῆς. Scholiastes recte explicat: τὸν Νίσσον, μὴ τὴν Σκύλλαν. recentiores vero interpretes νιν ad Scyllam referunt. Sed multo mihi accommodatius ad consilium poetae esse videtur, ut chorus, postquam dixit, Scyllam consulto patrem capillo immortalī privasse, commemoret, mortuum esse Nisum, quam punitam esse Scyllam; namque poenas dedisse sceleratam poeta neque in antecedenti strophā neque in hac chorū loquentem facit, sed in fine universi cantici poenae sceleratarum mentionem facit. Ceterum nusquam in Aeschilo reperiuntur verba κίχαι δὲ νιν Ἐριῆς eo sensu, quo significant idem quod τινεῖ Ἐρινὸς μύσος, sive δίκην θηγάει μοῖρα, quibus et aliis locutionibus Aeschylus utitur sensu poenas solvendi.

Verba poetae in strophā et antistrophā β ita reddo: Sciat quicumque non est levis animi in discendo, quale consilium ignis gnarum animo conceperit misera ista filium perdens Thestii filia, quae sanguinarium combussit titionem, filio aequalem, ex quo matre procreatus vagivit, comitemque per vitam usque ad fatalem vitae diem. — Atque alia, quae est in fabulis, abominanda, Scylla cruenta, quae virum amicum, ab hostibus adducta, Creticis monilibus aureis confisa, utpote donis Minois, occidit, Nisum, consulto eum privans crine immortalī, somnum capessentem, illa impudentissima, et Mercurius eum in Orcum deduxit.

Stropham γ. in mendo jacere, nemo est qui non viderit, sed quamquam et emendare et interpretari omnes studuerunt, nemo tamen neque constructionem neque sententiam adhuc expedivisse mihi videtur. Atque codices quum ad sanandum locum nihil suppedient, ad conjecturas confugiamus necesse erit. Neque vero audacissima Martini conjectura opus, esse arbitror, qui loco ἀκαίρως δὲ — τις οἷδ' ὥδε et pro τῶν δ' — τις ὥδε proposuit



quamquam conjecturam ἐπισκόπῳ pro ἐπικότῳ mihi non displicere fateor. Etenim si pro ἐπικότῳ, quod omnes interpretes maxime offendit, in textum recipias ἐπιφόβῳ sive mavis ἐπισκόπῳ et verba σέβας et τίαν mutes in σέβειν et τίειν, in antistropha vero pro ἄχει scribas ἄγει, neque constructionem desiderabis expeditiorem, et sententiarum nexus pro consilio poetae est aptissimus. δῆπουθεν etiam scripsi, quod codices tuentur et metrum admittit, quare non opus est in δῆπουθεν mutare, quod haud scio an non reperiatur sensu particulae δῆπου. Stropham et antistropham γ igitur ita constituendas esse ducō.

Str. γ.

ἐπεὶ δ' ἐπεμνησάμην ἀμειλίχων  
πόνων. ἀκαίρως δὲ, δυσφιλὲς γαμή-  
λευμ' ἀπεύχετον δόμοις,  
γυναικοβούλους τε μήτιδας φρενῶν,  
ἐπ' ἀνδρὶ τευχεσφόρῳ,  
ἐπ' ἀνδρὶ δῆοισιν ἐπιφόβῳ, σέβειν,  
τίειν δ' ἀδέριαντον ἐστὶαν δόμων,  
γυναικείαν ἀτολμὸν αἰχμάν.

Antistr. γ.

κακῶν δὲ πρεσβεύεται τὸ Λήμνιον  
λόγῳ. γούται δὲ δῆπουθεν κατὰ-  
πτυστον. εἴκασεν δὲ τις  
τὸ δεινὸν αὖ Λήμνιοισι πῆμασιν.  
θεοστνγῆτῳ δ' ἄγει  
βροτῶν ἀτιμωδὲν οἴχεται γένος.  
σέβει γὰρ οὐτίς τὸ δυσφιλὲς θεοῖς.  
τί τῶνδ' οὐκ ἐνδίκως ἀγείρω;

Chorus non dubitat Clytaemnestram quoque in nefarias mulieres referre, quae mentis pravitate atque audacia omnia superent, quae in rerum natura exsistant terribilia atque abominanda, idque propterea, quod antea jam multis hujus tragoediae locis ejus flagitii mentionem fecisset, et illud abominandum ac vindicandum esse libere confessus esset. Etenim quum missae essent a Clytaemnestra virgines ex quibus chorus constat, ut marito inferias exsequerentur inferosque iratos placarent, tamen hac re valde abhorrentes, Clytaemnestrae diras imprecantur, et triste Agamemnonis fatum conquestae vindicem eam oppressurum se sperare profitentur. videre hoc licet v. 40. seq. v. 49. v. 110. v. 300. quare quum vindex jam nunc adsit Orestes, chorus dicit, intempestivum nunc esse pietatem etiam servare erga dominos et reverentia eorum de his rebus hoc loco tacere. Itaque πόνων ἀμειλίχων non ad Scyllae et Althaeae flagitia refero, sed ad calamitates et mala a Clytaemnestra profecta. A verbis ἀκαίρως δὲ incipit apodosis, ἀκαίρως nostro loco usurpatum est pro ἄκαιρον δ' ἐστίν, ad quod pertinet σέβειν et τίειν, unde pendent accusativi γαμήλευμα et μήτιδας, atque ἐστὶαν et αἰχμάν.

ἐστὶαν ἀδέριαντον δόμων significant focum domesticum a laribus relictum ideoque neglectum, igne carentem.

αἰχμάν sicuti in Agam. v. 470. usurpatum est notione „voluntas, imperium“ γυναικός αἰχμῇ πρέπει πρὸ τοῦ φανέντος χάριν ξυναινέσαι. — ἀτολμὸν vero vocatur, quod Clytae-

mnestra timore deorum exagitata, cf. chorum a versu 21 usque ad v. 77., non audet ipsa iratos deos placare, sed per alios hoc faciendum curat.

Pro εἴκασεν....αὖ Schutz. scribi vult εἰκάσαι....αὖ. Musgr. etiam εἰκάσαι. id quod quidem sensus postulare, quem verbis attribuit, quibus Clytaemnestrae facinus indicari censet, vertit enim: „hoc autem grave facinus haud immerito possit aliquis cum Lemnio comparare“ sed haud scio an universae strophae sententia hac interpretatione impeditior reddatur; namque insequentia verba eo sensu annectuntur, ut illa verba potius de quovis facinorose intelligenda esse sumas, quod quidem etiam Blomf. recte sensisse mihi videtur, Clytaemnestrae vero flagitium v. 634. demum tangitur.

ἄγει scripsi cum Schutz. Blomf. Both., quos recte id fecisse arbitror, namque ἄχει et et ἄγει saepius in libris confusa reperiuntur, et ἄγει solum nostro loco aptum est. Heath. quidem repugnat, et vulgatam servans verba θεοστνγῆτῳ δ' ἄχει vertit: calamitatem ex odio deorum ortam, quod jam Schutz. invita linguae analogia dictum esse animadvertit, sed etiam insequentia verba Heathii interpretationi obstare videntur, quae maxime favent Schutzii. namque chori sententia eo omnino redit: homines solere scelera cum maxime horrendis atque terribilibus flagitiis conferre, quod nemo eum honoret, qui piaculis, Diis exosis, perpetratis perit. Heathii vero sententia haec esset: quod nemo eum honoret, qui calamitosus perit, quae certe sententia choro aliena, neque ad sensum universum apta videtur.

Stropharum sensum ita reddo: Postquam memoravi atrociam (Clytaemnestrae) mala, intempestivum nunc est venerari etiam connubium (Aegisthi et Clytaemnestrae) domibus detestandum, mulierisque callida consilia adversus virum armipotentem, virum hostibus terribilem, ac colere focum domesticum neglectum, mulierisque voluntatem ignaram et nihil audentem. Malorum primum locum obtinet in ore hominum Lemnium facinus, namque deploratur utique cum abominatione. Atque solent homines quodvis facinus infandum cum Lemnio scelere conferre, et mortalium genus piaculo Diis invisio perpetrato perit ignominiosum, nemo enim, quod Diis invisum est, colit. Nonne ego haec (de Clytaemnestrae quoque facinore) jaste proferam?

Quae nunc sequuntur strophae δ. et antistropha in iis Chorus vertit ad poenas indicandas, quas Clytaemnestra es Aegisthus solvent, innuit caedem quam perpetraturus est Orestes, qui cum Pylade, dum chorus flagitia Clytaemnestrae hoc carmine persequitur, abierat, ut fallacem viatoris speciem assumeret. Aptè poeta ultimo hujus carminis loco ultionem commemorat, ut inde ad tragoediae redeat actionem, quae sicuti sensu ita et metro, quod jambicis versibus absolutum ad sermonis metrum redit, fini hujus carminis arctissime annectitur. Hanc stropham, quae non sine vitiis in manuscriptis et editionibus legitur, ita constituam.

Str. δ.

τόδ' ἄγχι πλενμόνων ξίφος διανταίαν  
ὀξυπενκὲς οὐτῇ,  
διαὶ Δίκας. τὸ μὴ θέμις γὰρ οὐ  
λαῖξ πέδον πατούμενον  
τὸ πᾶν Διὸς σέβας παρεκβάτες οὐ θεμιστός.

Antistr. δ.

Δίκας ἐρελδεται πυθμὴν προσχαλκεύει δ'  
αἶσα φασγανουργός



τέκνον δ' ἐπεισφέρει δόμοισιν ἐκ  
 δωμάτων παλαιτέρων  
 τίνειν μύσος χρόνῳ κλυτὴ βυσσόφρων Ἑρινύς.

Vulgo ὀξυπευκὲς σοῦται διὰ Δίκας legitur, quod metro repugnat. Blomf. metro sub-  
 veniri posse putat, si ὀξυπ. σουτ. transponantur. sed malim amplecti quod Hermannus vel  
 optima conjectura scribendum proposuit οὐτῶ. quod si pro futuro accipit, ad sensum quo-  
 que est aptissimum. οὐτάζειν eodem modo usurpatur in Agam. 1315. τὴς πληγῇ αὐτῆι  
 καιρίως οὐτάσμενος. et apud Hom. Il. o. 528. οὐτάσσε δουρί.

διὰ Δίκας, quod habet Ald., praeferam Schutzii conjecturae βίῃ Δίκας. quod Schutz.  
 dicit Justitiae tribui gladium facinorum vindicem, qua imagine nostro loco nihil esse subli-  
 mius; possis quidem in dubium vocare, num ejusmodi cogitatio omnino Aeschyli temporibus  
 sit tribuenda, certe ex hoc loco eam non efficias nisi interpretandi artificii. Sententia  
 ad Orestem referenda est, qui a Justitia impulsus poenas impii sceleris exigit; etenim in  
 universa fabula Orestes fingitur ab Apolline provocatus vindex, qui mortem jam nunc illa-  
 turus est Clytaemnestrae et Aegistho.

Sensum verborum λαῖ πῆδον πατούμενον Scholiastes mihi perspexisse videtur, quum  
 explicat: τὸ γὰρ μὴ δίκαιον οὐ δὲ ἀμελεῖσθαι, ubi verbum δὲ tantum falsum est, debebat  
 interpretari: οὐκ ἀμελεῖται. nec est quod cum Schutz. dubitemus, num verba λαῖ πῆδον πα-  
 τεῖν sensum habeant negligendi, hoc ita esse ex loco Eumenidum apparet v. 110. καὶ πάντα  
 λαῖ ὁρῶ πατούμενα. Hermannii conjectura, qui οὐ delendum censet, probabilis mihi esse  
 videtur, quod ita sensus vix e verbis eliciatur nisi quaesita interpretatione: videtur v. d.  
 ad hanc conjecturam mutilata antistropha adductus esse, strophā certe sana est, in anti-  
 strophā vero praepositionem ἐκ excidisse suspicor, quam ante δωμάτων παλ. inserui.

Δίκας δ' ἐρεῖδεται πυθμὴν Schutz. interpretatur Justitiae solum sive basis firmatur.  
 Blomf. intelligi vult aram Justitiae. Neutrum sententiam poetae assequutum esse arbitror.  
 Non video cur Schutz. verbo πυθμὴν notionem „radix“ derogat, quum saepius apud Aeschyl-  
 lum reperitur sensu stirpis imae e. g. Prometh. v. 1048. Glauc. v. 25. Choeph. v. 202.  
 et Hesychius quoque verbum ita interpretetur: πυθμῆνες: βάσεις αἱ κάτω τῶν δένδρων.  
 sed quum sensus verborum nexum ipsi turbare videretur, correxit δίκην ἐρεῖδεται πυθμὴν:  
 Justitia autem roboratur quoad pugnū i. q. viribus in pugnū collectis, quae quidem in-  
 terpretatio neque a sensu neque a notione verbi ἐρεῖδεται quidquam habet, quo commende-  
 tur. sed quem sensum verbis subicias quaeritur. Poeta Justitiam cum arbore confert.  
 quae sicuti robore ac vigore crescit, si topiarius quaecunque germina ac rami pullulant in-  
 utilia ac vigori arboris nocentia amputat: ita et Justitia, quae inter mortales colit, justosque  
 omnes habet quasi robur ac radices, stabilitur et invicta evadit, si Parcae, quae tanquam  
 ministrae sunt Justitiae, omnes, qui exstiterunt scelerati, et Justitiam negligentes, et ita  
 quasi ejus vim infirmantes, trucidant ac poenas exigunt. Haec imago si ad verba nostri  
 loci transfertur, omnia, quod est poetae consilium, bene mihi quadrare videntur. neque est,  
 quod vulgatam προσχαλκεύει mutes in προχαλκεύει, quod auctoritate caret; praepositio  
 πρὸς verbo χαλκεύειν attribuit notionem subministrandi ad nostrum locum aptissimam, et  
 metrum fert ancipitem.

τέκνον δ' ἐπεισφέρει δόμοισιν ἐκ δωμάτων παλαιτέρων. Schol. interpretatur: ἐπεισφέ-  
 ρει δὲ τοῖς οἴκοις τέκνον παλαιῶν αἱμάτων. ὃ ἐστὶ. τίπτει ὁ φόνος ἄλλον φόνον. Non recte  
 explicuisse Scholiasten verba manifestum est, quum quod in hac strophā poeta chorum non

de nova caede scelestā perpetranda, sed de ultione exigenda loquentem facit, tum quod  
 idem chorus infra v. 793. a Diis precatur: γέρον φόνος μηκέτ' ἐν δόμοις τέκοι. Probatur  
 certe a choro ultio, quam petiturus jam nunc est Orestes propterea quod abhorret nefaria  
 Aegisthi et Clytaemnestrae scelera, poenasque vult repetitas a nova ista scelerata Aegisthi  
 domo, et quod Orestes a Deo ipso ad patris mortem caede Aegisthi et Clytaemnestrae ul-  
 ciscendam impellitur. Recentiorum editorum nonnulli pro δωμάτων in textum receperunt  
 αἱμάτων, id quod non recte eos fecisse arbitror, quum in nullis codicibus haec lectio repe-  
 riatur, quam ex scholiasta fluxisse sine ulla dubitatione confirmaverim, qui quidem verba  
 δωμάτων παλαιτέρων hoc verbo explicare voluit. sed ista explicatio quantumvis sensui,  
 quem verbis: τέκνον δ' ἐπεισφέρει κ. τ. λ. attribuit, convenit, tamen nostro loco, quod jam  
 supra demonstravi, falsa est.

Vulgatam τίνει μύσος in τίνειν μύσος mutandam esse censeo, qua facillima conjectura  
 et constructio et sensus hujus strophae adjuvatur, neque opus est verbum τίνειν, quod fe-  
 cit Stanl., accipere potestate puniendi, qua nusquam reperitur, sed vulgari notione poenas  
 solvendi, modo ne cogites ad infinitivum τίνειν ex antecedentibus verbis τέκνον δ' ἐπεισφέ-  
 ρει δόμοισιν subjectum τέκνον sed δόμοις i. q. Aegisthum et Clytaemnestram. Haec verbo-  
 rum explicatio multos interpretum fugisse, et falsa scholiastae interpretatio verborum τέκνον  
 δ' ἐκ. δομ. eos adduxisse videtur, ut praeferrent lectionem, quam habet Med. Ald. Rub. tel-  
 νει, quod chorum dicere opinabantur, seriem scelerum in domo Pelopidarum extendi.  
 sed quam ineptum sit, chorum, qui modo depinxit atrociam Clytaemnestrae et Aegisthi fa-  
 cinora, quique ira adversus impios sceleratosque dominos incensus (v. 770—824.) Oresti  
 vindici deorum auxilium imploret, nostro loco potius commemorare scelus sceleri annecti,  
 quam poenas ab improbis istis hominibus expeti, nemo est, qui non videat.

Adjiciam etiam strophae et antistrophae interpretationem: Sed gladius sub latere saevus  
 plagam adversam (Clytaemnestrae et Aegistho) infliget per Justitiam, neque enim injusta  
 facinora (a Diis) negliguntur; isti vero omnem Jovis reverentiam injuste violarunt. Atque  
 Justitiae robur stabilitur, et Parca procudit gladios, Erinys vero, profunda mente pollens,  
 tandem exaudita, filium veteris domus immittit in domum (Clyt. et Aeg.) ut isti poenas  
 impii sceleris luant.

Dr. Knick.



[illegible]

quum possit ab impietis talis hominibus expelli, necesse est, qui non videt.

[illegible]

1948